



Inkholelo nenhloso ngco kute mfundvo kumkhakha we IEB

I-IEB isebenta ngephansi kwetimo letendlulele kutemfundvo-etikolweni tahlumende kanye naleto letitimele; etikolweni letinetimfanelo tonkhe letidzingeakako kanye naleto leteswele, kufundzisa ngebuchwephesha lobungachudzelana noma bulinganiswe nanoma ngutiphi tikolwa letisezingeni lelisetulu emhlabeni wonkhe jikelele, lokwentelwa etindlini tekufundzela, lapho khona kufundzisa kuhambisana nekufundza emanotsi laniketive nobe lasetincwadzini, nangabe thishela akhona eklasini, tikolwa lapho khona bucotfo nenshisekelo yekutfola umvuzo lomuhle kubekwa ngetulu kwetimiso temuntfu ngamunye nangamunye; lapho kuphumelela kutfolakala ngetindlela letihlobile nobe letingakahlobi, lapho timiso tingemuva kwetifiso netidzingo temuntfu ngamunye nangamunye. Singaphindzaphindza kushone lilanga solo sichaza tindlela letehlukahlukene bantfu lababona ngayo, timo kanye netehlakalo letibufakazi letisobala kutemfundvo eveni lakitsi, esifundzeni sakitsi kanye nelivekati letfu.

Ngenca yekubhekana netimo letimatima kutemfundvo eNingizimu Afrika, tisebenti kanye nebaphatsi be IEB bahlolisise tinhloso tetfu tekutimbandzakanya kumaprojekthi etemfundvo kulesifundza. Siyacondza kutsi imfundvo ngusona sisekelo lesicotfo, lesishicilelwe ngephansi kwetimo tekuphila kanye netimiso temmango netemfundvo, njengobe kungumsebeni lowentiwa libandla lebantfu lababochwephesha emsebenitini yabo. Kwaba sifiso-ke kutsi kwentiwe umgomo netincabekelwana tendlela lecacile letawusebenta ngayo i-IEB, lokwabangela kutsi kuze kwakhiwe lesitatimemde lesitsi – *Inkholelo nenhloso ngco ngetemfundvo kumkhakha we IEB*.

Kulesitatimende setamile kuchaza lesikubona kuyinjongo yetemfundvo ehlanganweni lefana ne IEB. Ngekusebentisa luhlolo kanye naleminye imisetjentana, setama kugcugcutela tikolwa kanye nabothishela kutsi bakhone kuniketa bafundzi ematfuba ekuhlatiya kabanti tihloko letehlukene, bahlanganyele nobe batimbandzakanye emisebentini leyentiwako, baphindze bafundziswe kukwati kuba yincenye yetinkhulumomphikiswano netingcogco letitfutukisa emakhono kanye netindlela lababona ngayo tintfo, lesikholelwa kutsi wonkhe umuntfu lophila kulesikhatsi samanje kufute abe nawo. Lomhlaba wetfu lojulile kanye netimphilo tetfu letijulile, tidzinga takhamiti letitimisele letinemdlandla wekucondza kutsi sidzingani nanekutsi singayibuyisa njani inhlalakahle etimphilweni tetfu. I-IEB yenta konkhe lokusemandleni kugcwalisa kutsi luhlolo lwayo lusezingeni lelisetulu lumelane nelwemhlaba wonkhe jikelele, nanekutsi bafundzi bavumelekile kuhlolwa ngeluhlolo lolucudzelana naleminye imikhakha lesetulu emhlabeni wonkhe. Siyakholelwa kutsi nangabe ematfuba avela, bafundzi betfu bakulesifundza, bayaphumelela ngelicophelo lelisetulu fana nalabanye bemave emhlaba wonkhe jikelele; nguwona mgomo lohamba embili lowente i-IEB ingenele tinhlelo letitfutukisiwe (Advanced

Programmes), kanye nekuhlanganyela etivivinyweni letikala licophelo/lizinga lebafundzi emhlabeni wonkhe jikelele (international benchmark tests).

Lenkholelo neligcabho ngebafundzi betfu belikhetselo lesinabo kanye nesive setfu kukhutsata i-IEB kutsi yetame ngasonkhe sikhatsi kuba nemtselela etimphilweni tebafundzi ngetulu kwekuhlolwa.

Kungalodvolocina ke, kutsi i-IEB yetfula lesitatimende lesimacondzana naloko lekholelwa kuko nalekumele njengenhlango yetemfundvo.

Inkholelo nenhloso ngco kute mfundvo kumkhakha we IEB

Inhloso ngco ye-IEB kutfutukisa imfundvo nekufundzisa ezingeni lelisetulu eNingizimu Afrika ngekusebentisa luhlolo lweluhlolo lolucotfo, lolukhomba likhono lekutitfutukisa nalelinga catsaniswa naletinye tinhlelo emhlabeni jikelele.

I-IEB iyakholelwa kutsi luhlolo lumcoka ekukhiciteni bafundzi labatawukwati kuba neligalelo lelikhulu eNingizimu Afrika, labatawukhona kuletsa tisombululo tetingcinamba letikhungetse umhlaba wonkhe. Ngalo loluhlolo lwetfu, sinemdlandla wekukhiciteni bafundzi:

- labasentisa lwati ngalokujulile
- labalandzela bahloniphe inchubo netimiso
- labakwati kusombulula tinkinga
- labasungule futsi bacabangisise ngalokujulile
- labahlala bomele lwati
- bemalunga emmango lahlonipha tinhlango letehlukene ikakhulu esimeni lesifana nesase Ningizimu Afrika
- laba itakhamiti letikhutsele naletitimisele kutsi tilandzele tiphindze tiphakamise imigomo yemtsetfo sisekelo waseNingizimu Afrika, kanye nenhlalakahle yabo bonkhe bantfu.

I-IEB isekela umbono lotsi, kutfutukisa imfundvo lesezingeni lelisetulu kuto tonkhe takhamiti taseNingizimu Afrika kubalulekile ekwakhweni kwemmango lolungile, lowemukela bonkhe bantfu, lonesisekelo lesinetimiso tentsandvo yelinyenti, lokhutsata kuphatfwa kwebantfu ngekulingana nemalungelo ebantfu, lapho kunakwe kwaphindze kwemukelwa khona emasiko etinhlango ngetinhlango.

Imigomo ye-IEB kuba nelichaza lelikhulu ngalokuchubekako ekukhiciteni bantfu labanemakhono, ekusungula, kwetfula nekutfutukisa etigabeni letehlukene ngelizinga leliphakeme, luhlolo netinsita letingatfolwa ngito tonkhe tinhlango.

Umsebeni we-IEB wenganyelwe kutinikela **kuletimiso:** bucotfo, kuhlonipha, kutinikela ekwenteni umsebeni nasekusiteni, kucecesheka, kukhulumisana, licophelo lelisetulu nekusebentisana.